

# Glas za konkretne korake je glas za bolju budućnost u Brčkom



*Poruka supervizora Michaela Scanlana biračima u Brčkom:*

Poštovane Brčanke i Brčaci,

Petnaestog novembra iskoristite svoj glas zahtijevajući da se jedinstvene prednosti Brčkog upotrijebe kako bi brčanska omladina opet počela vjerovati da je njihova budućnost u Distriktu.

Iako ima lokaciju koja je izuzetno pogodna za investiranje, luku na rijeci Savi i najveći budžet po glavi stanovnika u zemlji, Brčko Distrikt stagnira, a mladi Brčaci i Brčanke predvode trend odlazaka iz zemlje.

Prije glasanja pitajte kandidate da li su posvećeni ostvarenju vizije Brčkog od koje će svi imati koristi.

Neka se natječu zdravim idejama za jačanje privatnog sektora i unapređenje javnih usluga umjesto ispraznih parola i širenja straha.

Kada budete glasali, vodilja neka vam bude sposobnost kandidata. Glas ne treba trgovati za obećanja u vidu radnog mjesta, novca ili neke druge kratkoročne koristi. Neizlazak na izbore također nije rješenje.

U posljednjih godinu i po došlo je do pozitivnih promjena, i ja sam ih pohvalio. Novi Zakon o budžetu je zaustavio praksu donošenja stotina amandmana koji su služili samo pojedinačnim interesima. A novim Zakonom o udruženjima i fondacijama uvedena je transparentna podrška nevladinim organizacijama koja je zasnovana na konkretnim parametrima, čime je stavljena tačka na višegodišnju strašnu zloupotrebu javnog novca.

Zahvaljujući javnom registru, sada svi imaju uvid u to koliko košta javna administracija u Brčkom. Na vama je da ocijenite da li usluge koje pružaju odgovaraju tom trošku.

Birači će moći koristiti i internet platformu, koja će biti pokrenuta krajem sedmice, a preko koje će moći saznati stavove stranaka i kandidata o ovim i drugim konkretnim pitanjima važnim za budućnost Brčkog.

Također, infografike objavljene na plakatima širom Distrikta i na lokalnim portalima pokazuju neophodne reforme, te kako su one međusobno povezane.

Vaš glas može ubrzati proces reformi. I, da, vaš glas će se brojati. Nezavisni posmatrači iz organizacija civilnog društva će biti prisutni na svim biračkim mjestima u Distriktu od samog otvaranja pa sve do prebrojavanja glasova.

I ne dozvolite da neko drugi odlučuje o vašoj budućnosti. Prijavite navode o izbornim prevarama tijelima za provođenje zakona – oni će te prijave istražiti!

Biračka mjesta će imati odgovarajuću epidemiološku opremu zahvaljujući sredstvima koja su izdvojili nadležni organi.

Sada je do vas, birača.

Brčko može opet biti divno mjesto za život, sa živahnim centrom grada, sadržajima uz rijeku, dobrim zdravstvenim sistemom i kvalitetnim javnim uslugama, te energičnim privatnim sektorom sa dobro plaćenim radnim mjestima.

Vrijeme je da vi kao birači uradite svoj dio posla kako bi ta vizija postala stvarnost. Izadite i glasajte 15. novembra.

**Glas za konkretne korake**  
je glas za bolju  
budućnost u Brčkom



Ažuriranje biračkih spiskova

Nezavisni posmatrači  
na biračkim mjestima

Javni registar  
primanja uposlenika  
u javnom sektoru

Nova zgrada  
policije

Strateški plan  
razvoja

Reforma  
javne uprave

Javno -  
privatne  
inicijative

Zakonodavni  
okvir pogodan  
za investiranje

Slobodne  
poslovne zone

Zakon o budžetu

Zakon o pravima  
nacionalnih manjina

Zakon o mirnom  
okupljanju

Zakon o  
udruženjima i  
fondacijama

Zakon o  
sukobu  
interesa

Novi zakon  
o električnoj  
energiji

Modernizacija  
luke

Potpuno  
funkcionalan  
most preko Save

**DOBRA UPRAVA**

**REFORMSKI ZAKONI**

**RASTI PRIVATNOG SEKTORA**

**RAZVOJ INFRASTRUKTURE**

**JEDNAKA PRAVA ZA SVE**

**REGULARNI IZBORI**

**BORBA PROTIV KORUPCIJE**

**KVALITETNE JAVNE USLUGE**

**FISKALNA DISCIPLINA I STABILAN BUDŽET**

**PRIVLAČENJE INVESTICIJA**

**DOBRO PLAĆENI POSLOVI U  
PRIVATNOM SEKTORU**

**STABILNO SNABDIJEVANJE  
STRUJOM I VODOM**

**KVALITETNA MJESTA ZA ODMOR I  
REKREACIJU (PARKOVI, KINA, BAZEN)**

